

## სომარ ზანგალია

### იბნ ბიბი ალა ად-დინ ქეიყობადის საქართველოში ლაშქრობის შესახებ

საქართველოსა და მცირე აზიის სელჩუკების ურთიერთობის ისტორიის საკითხები თითქმის შეუსწავლელია საბჭოურ ისტორიოგრაფიაში. საკითხის ისტორიისათვის არაერთი პირველხარისხიანი ცნობა მოიპოვება აღმოსავლურ, დასავლურ და ქართულ (დოკუმენტურ, ნაჩაბტიულ) ძეგლებში. ქართული წყაროები საგულისხმო ცნობებს გვაწვდიან საკუთრივ სელჩუკთა სახელმწიფოების სოციალ-ეკონომიური და პოლიტიკური ისტორიის საკითხების შესასწავლად.

საქართველოსა და სელჩუკების ისტორიული ურთიერთობის გ-საშუქებლად აღმოსავლურ წყაროებში მრავალი ორიგინალური ცნობაა დაცული. ზოგიერთ შემთხვევაში აღმოსავლელი ავტორები სრულიად ახალ ფაქტებსაც გვაწვდიან. ერთ-ერთი ასეთი ავტორია XII ს-ის II ნახევრის სპარსულენოვანი ისტორიკოსი იბნ ბიბი, რომელსაც საინტერესო ცნობები აქვს შემონახული XII ს-ის 30-იან წლებში სულთან ალა ად-დინ ქეიყობადისა (1219-1237) და საქართველოს დედოფალ რუსუდანს შორის არსებული ურთიერთობის შესახებ. წინამდებარე წერილში სწორედ იბნ ბიბის მონაცემებზეა გამახვილებული ყურადღება იბნ ბიბის თხზულება ძვირფასი წყაროა მცირე აზიის სელჩუკთა სახელმწიფოს ისტორიის საკითხების შესასწავლად. მასში წარმოდგენილია მცირე აზიის სელჩუკთა სახელმწიფოს სოციალურ-პოლიტიკური ისტორიის საკითხები XII ს-ის უკანასკნელი მეოთხედიდან XII ს-ის 80-იან წლებამდე. მას, როგორც წყაროს, არანაკლები მნიშვნელობა აქვს მცირე აზიის სელჩუკთა სახელმწიფოს მოსაზღვრე ქვეყნების, კერძოდ, ამიერკავკასიის, ბიზანტიისა და სხვათა ისტორიისათვის.

იბნ ბიბის თხზულების ღირებულებას ზრდის ისიც, რომ მასში დაცული ცნობების მნიშვნელოვანი ნაწილი იმდროინდელ სხვა ავტორთა თხზულებებში არ გვხვდება მასში მოიპოვება მრავალი ცნობა, რომლებიც დღემდე სრულიად უცნობი იყო ქართულ ისტორიოგრაფიაში.

იბნ ბიბის თხზულება მეცნიერებაში პირველად ცნობილი გახდა მაშინ, როდესაც ფრანგმა ორიენტალისტმა ე. შეფერმა გამოაქვეყნა სპარსული ტექსტის ნაწყვეტი ფრანგული თარგმანით ამ თხზულების შემოკლებული ოა გადაკეთებული ვარიანტიდან<sup>1</sup>. შემდეგ პოლანდიელმა მეცნიერმა თ. კალცმამ თურქულ და სპარსულ ენებზე გამოსცა მისი შემოკლებული ვარიანტები.

<sup>1</sup> Quelques chapitres de l'abrégé du Seldjouquameh, composé par l'Emir Nasir Eddin Yahia; M. Charles Schefer. Publications de l'Ecole des Langues Orientales Vivantes, 1889, III serie, vol. V. pp. 3-102.

სპარსული დედნის ერთადერთი სრული ნუსხა ინახება სტამბოლში — ისინი ფიის მუზეუმში, სათაურით: „Kitab al-Avamir al-Ala'iyah fi'l-Umur al-Ala'iyah“ (სუმაღლესი ბრძანებულებანი უდიდებულესი საქმეების შესახებ, № 2925, გვ. 744). იგი ორჯერ (1945, 1956) გამოიცა სტამბოლში. ამ თხზულების სრული ტექსტის კერძოდ თარგმანს 1932 წლიდან მუშაობდა ავსტრიელი მეცნიერი ჰერბერტ დუდა, რომელმაც 1959 წ. გამოსცა კოდექსი.

იბნ ბიბის ცხოვრებისა და მოღვაწეობის შესახებ მწირო ცნობები მოგვეპოვება. მისი დაბადების თარიღი უცნობია, იგი სულთან ალა აღ-დინ ჭეიყობადის სულთნობის წლებში უნდა იყოს დაბადებული. ავტორის ცხოვრებისა და მოღვაწეობის შესახებ ფრაგმენტულ ცნობებს იაყე მის თხზულებაში ვპოულობთ, მისი სრული სახელია: ჭუსეინ იბნ მუჰამედ იბნ ალი აღ-ქადვარი არ-რულადი. მეჰმედ ფუად ქოფრულესა<sup>6</sup> და ბუკრიმინ ჰალილ ინანი<sup>7</sup> მიხედ-

<sup>6</sup> M. Th. Houtsma. Recueil de textes relatifs à l'histoire des Seldjoucides, vol. III, Partie I; Histoire des Seldjoucides d'Asie Mineure d'après abrégé du Seldjouknameh d'Ibn Bibi, Leide, 1891, texte turc, première partie, vol. IV; Histoire des Seldjoucides d'Asie Mineure d'après abrégé du Seldjouknameh d'Ibn-Bibi, Leide, 1902, texte persan.

ამ ნუსხის ტექსტი, რომელიც თ. ჯუჯუამ გამოსცა 1891 წ., 1423 წ. თურქული თარგმნი, გადაყვანილი და შეამოყვანა XV ს-ის პანეგიკისტმა იბნი იოლღუ აღიშ და უწოდა „სელჩუკ-ნამე“ ანუ „იღუბ-ნამე“. მან ეს გადაყვანილი ვაჩიონტი ვაჩიონთა იმპალეთის სულთანს — ბეჩარ II (1421—1451), იბნი იოლღუ აღის მიერ დედნიდან თურქულად წათარგმნი, შემოყვანილი და შეკრებილი ვაჩიონტის ხელნაწერები ინახება: ანკარის, სტამბოლის, ბერლინის, ლეიპციგის, პარიზის, მოსკოვის, ლენინგრადის სიბეღლოსაცაეებში.

ამ მოკლე, თურქული ვაჩიონტიდან, შედგომის მიერ გამოქვეყნებული სელჩუკის სოციალური ადგილის რუსული თარგმანი დაბეჭდა პ. მელიორანსკიმ (П. М. Мелюранский, Сельджуки-ваши, как источник для истории Византии в XII и XIII веках, «Византийский Временник», т. I, вып. 3—4, 1894, СПб., გვ. 613—640).

იბნი იოლღუს თხზულების გამოქვეყნება უკვე თურქმა მეცნიერმა იბნი სიბმა ( . 1935), თავი რომ ვერ განახორციელა, 1941 წ. იგი თარგმნი სურთ გენჯილიზადე თურქულად და ლათინურული შრიფტით გამოაქვეყნა (იხ. Anadolu Selçukl Devleti Tarihi, Ibn Bibi'nin Fatıha Muhtasar Selçuknamesinden Türkçeye Çeviren M. Nuri Gencosman, Notlar Havre Edebiyatı F. N. Uzluğ, Ankara, 1941, შექმნილი: Ibn Bibi).

თ. ჯუჯუამს მიერ გამოცემული სპარსული ტექსტიდან პოეფ. ა. იუბოვსკიმ გამოაქვეყნა წყაროს იმ ადგილებს შინაარსი, სადაც საუბარია სელჩუკთა ლაშქრობებზე სელაჟუ, უიჩაღუსა და რუსებზე (იხ. А. Якубовский, Рассказ Ибн ах-Биби о походе мавлянитских туров, на Судак, Пхловцев и Русских в начале XIII в., Черты из торговой жизни половецких степей, «Византийский Временник», XXV, 1928).

თ. ჯუჯუამს სპარსული, შემოყვანილი დედანი ინახება პარიზში (№ 1536). თ. ჯუჯუამს მიერ გამოქვეყნებული თურქული და სპარსული ტექსტების განხილვების სიფიქსებს; სინტაქსისა და სემანტიკის იქნეს გადთებული აად. ვ. კორღაევსკის, იხ. В. А. Гордаевский, Из комментариев к староосманскому переводу хроники Мавлянитских Сельджукидов, так называемой хроники Ибн-Биби. Избранные сочинения, II, М., 1961, гл. 160—173.

<sup>7</sup> H. W. Duda, Die Seldschukengeschichte des Ibn Bibi, Kitab al-Avamir al-Ala'iyah fi'l-Umur al-Ala'iyah, Munksgaard, Copenhagen, 1968.

<sup>8</sup> X. M. Musaeв, Сочинение Ибн Биби «Аль-авамир аль-ალა'ийя (ფი-ლ-უმურ ალ-ალა'იი), как источник по истории Анатолийских Сельджуков, Автореферат, Баку, 1972, გვ. 5; А. Якубовский, დასახ. ნაშრომი, გვ. 54.

<sup>9</sup> X. M. Musaeв, დასახ. ნაშრომი, გვ. 5.

<sup>10</sup> M. F. Köprülü, Anadolu Selçuklulari Tarihinin Yerli Kaynakları, Belleten, c. VII, S. 27, Ankara, 1936.

<sup>11</sup> M. H. Yinanç, Türkiye'nin Tarihi Selçuklular Devri, I. Anadolu'nun Fetih, İstanbul, 1944, гл. 9.

ვით, იბნ-ბიბის სრული სახელია: ჰუსეინ ბ. ბექამედ ალ-მუნში ალ-ქათარი (حسين بن محمد المنشي الجفري).

იბნ ბიბის შრომები სასახლესთან დაახლოებული პირები ჩანან დედ-ბები ბუხეჯიძე, ასტროლოგი იყო<sup>9</sup>, მამა კი — თარქიმანი და დიპლომატი. ქელალ ად-დინ ხორეზშმახის გარდაცვალების შემდეგ ალა ად-დინ ქეიყობადის მიწვევით, იბნ ბიბის შრომები კონიაში დაშკიდრებულან. სულჯანი სულთნის კარზე ისინი ჩქარა დაწინაურებულან და მნიშვნელოვანი როლი შეუსრულებიათ ქვეყნის პოლიტიკურ ცხოვრებაში. ასეთი გარემო იბნ ბიბის საუკეთესო პირობებს უქმნიდა, როგორც ისტორიკოსს. იგი თავის თხზულებას მონღოლთა ბატონობის შემდგომ პერიოდში, კერძოდ, XIII ს-ის 80-იან წლებში წერდა. იბნ ბიბი მცირე აზიის სელჩუკთა სახელმწიფოში მონღოლთა წარშობადგენის — ალა ად-დინ ათა მალიქ ქუვეინის დაყვანებას ასრულებდა და კარგად იცნობდა ქვეყნის პოლიტიკურსა და სოციალ-ეკონომიურ ვითარებას.

იბნ ბიბი ყოველთვის ობიექტური არ არის მოვლენებს ევალიყოფისას. იგი თავისი სივალსაზრისით უდგება რომელიმე სელჩუკი სულთნის პოლიტიკის საკითხს<sup>10</sup>. ფაქტების აღწერისას იგი არასოდეს არ უთითებს წყაროს. იბნ ბიბის თხზულება ძირითადად მაინც ლიტერატურულ წყაროებს ეყრდნობა, რამდენადაც იგი იყენებს ცალკეულ ადგილებს ზაჰირ ფოთაიის, ნი. მის, შუჰაბ ად-დინ სუჰრავერდის ნაშრომებში<sup>11</sup>. აუბიბ აშის თარგმანში მისი თხზულება საკმაოდ მაღალფარდოვანია და ინტერესით იკითხება.

უეჭველია, იბნ ბიბი ალა ად-დინ ქეიყობადის პერიოდის ამბები, აღწერისას უფროსი თანამედროვეების ცნობებსაც ემყარება. იბნ ბიბი საკმაოდ ვრცელად ვაძმოგეცემს ალა ად-დინ ქეიყობადის ხანის მცირე აზიის სელჩუკთა სახელმწიფოს ისტორიას ეს ბუნებრივად, ალა ად-დინ ქეიყობადის სულთნობის ხანა ყველაზე ბრწყინვალე პერიოდია მცირე აზიის სელჩუკთა სახელმწიფოს ისტორიაში. მის დროს მნიშვნელოვნად გაფართოვდა ქვეყნის საზღვრები და გაიშალა ფართო აღმშენებლობითი და კულტურული საქმიანობა. სწორედ ამ პერიოდში ჰქონდა ადგილი მსოფლიო ისტორიულ მნიშვნელობის მოვლენებს მახლობელ აღმოსავლეთში ამ პერიოდში იწყება მონღოლთა შემოსევები: ამ ხანებში მცირე აზიასა და აზიურაფკასიაში დაიწყო მობდა მონღოლთაგან ლტოლვილი ქელალ ად-დინ ხორეზშმახი. იბნ-ბიბი თავისი კანონმდებრად, ალა ად-დინ ქეიყობადის ხანის მცირე აზიის სელჩუკთა სახელმწიფოს ისტორიის გადმოცემისას დიდ ადგილს უძიებს მონღოლებთან ურთიერთობის საკითხებს. თავისი მოთვარებების პერიოდში ალა ად-დინ ქეიყობადიმ არაერთხელ ილაშქრა ხმელთაშუა ზღვის აუზში და დაბატონდა ამ სტრატეგიულ პუნქტებს, რომლებსაც სელჩუკებისათვის საშხედრო და სავაჭრო-ეკონომიური სივალსაზრისით გარკვეული მნიშვნელობა ჰქონდათ.

იბნ ბიბი თავის თხზულებაში მნიშვნელოვან ადგილს უძიობს ალა ად-დინ ქეიყობადის საქმიანობას. მისი ცნობები სანდოა და საუკეთესო წყაროდ ითვლება მცირე აზიისა და მისი მომიჯნავე ქვეყნების ისტორიისათვის.

<sup>9</sup> სახელი „იბნ ბიბი“ („ქალბატონის ვაჟი“) მას დედისაგან ჰქონდა.

<sup>10</sup> В. А. Гордлевский, Государство Сельджукидов Малой Азии. Избранные сочинения, т. I. М., 1960, стр. 34.

<sup>11</sup> Х. Мусавв, Ислам. Библиот., стр. 10.

მახლობელ აღმოსავლეთში ხეარაზმელთაგან მოსალოდნელი საშიშროების თავიდან აცილების შემდეგ ალა აღ-დინ ქეიუობადი სისტემატურ თავდასხმებს აწარმოებდა ამიერკავკასიის მიმართულებით. იბნ ბიბი სხვა ამბების გადმოცემისას შენიშნავს: როდესაც სულთანმა ხეარაზმელები დაამარცხა, მისი მოკავშირე არზრუმის გამგებელიც დასაქა და არზრუმი ხელთ იგდო; ერთი თვის შემდეგ მელიქ აშრაფი სომხეთის წინააღმდეგ სალაშქროდ მოამზადა და ოლთისი და საქართველოს რამდენიმე ციხესიმაგრე მას სამფლობელოდ დაუტოვა. მელიქ აშრაფმა სომხეთის ვილაიეთისკენ გამგზავრების ბრძანება ითხოვა. სულთანმაც მისცა ნებართვა და მელიქ აშრაფი სომხეთში ხლათისკენ, გაემართა სალაშქროდ<sup>11</sup>.

მაშასადამე, როდესაც ალა აღ-დინ ქეიუობადი მელიქ აშრაფს სომხეთში სალაშქროდ ავხანინდა ხეარაზმელები წინააღმდეგ, საქართველოს სამხრეთი პროვინციები — ოლთისი და რამდენიმე ციხესიმაგრე, სელჩუკებს ქონიათ მიუღწევადი. საქართველოს ციხესიმაგრეებს სელჩუკი სულთანი თავის ერთ-ერთ მხედართმთავარს — მელიქ აშრაფს, უბოძებდა სამფლობელოდ, აღბათ, იტას წესით. ქართულ ისტორიოგრაფიაში არ არის ცნობილი რაოდენ მოიტაცა სელჩუკმა სულთანმა ოლთისი და სხვა ქართული ციხეები, რომელსაც იგი აბოიებდა. სანაირი ციხეები ზეენ ქართულ წყაროებში არ მოგვეპოვება მხოლოდ ერთი ანონიმი ავტორი სულ ერთი წინადადებით ვადმოგვცემს სულჩუკს. ჯარი! საქართველოში გალაშქრებისა და ოთხი ციხის აღების ამბავს. ადგილი შეაპლესდეს, რომ ეს ციხეები იყო სწორედ ის ადგილები, რომელსაც სელჩუკი სულთანი მელიქ აშრაფს უბოძებდა ოლთისთან ერთად. მაგრამ ანონიმი ავტორი არ უთითებს, როდის მოიტაცეს სელჩუკებმა ეს ციხეები.

ანონიმი ავტორის ცნობით, როდესაც სულთანმა ანატოლიის ტერიტორიის ნაწილი დაიპყრო, აიღო კაპთასა და ჩემიშქეზეჯის მხარეები, დიარბეჯირი, და სხვა ციხეები. ამიდან ჯარი საქართველოს მხარისკენ დაძრა. ქართველი მბრძანებელი გოგუნი<sup>12</sup> დაამარცხა, ოთხი ქალაქი წაართვა<sup>13</sup>. საუბრებელოა, რომ საქართველოს წინააღმდეგ სელჩუკთა თავდასხმებს ადგილი უნდა ქონოდა ხეარაზმელთა დამარცხებამდე (1231 წლამდე) და ალა აღ-დინ ქეიუობადის მიერ ანატოლიაში მთელი რივი მხარეების — კაპთას, ჩემიშქეზეჯის, დიარბეჯირის, ქაქესა და სხვა ციხეების დაპყრობის შემდეგ. ეს ტერიტორიები კი სელჩუკმა სულთანმა დაიპყრო 1226 წლისათვის<sup>14</sup>. მაშასადამე, სელჩუკებს ოლთისი და სხვა ქართული ციხესიმაგრეები 1226 წლიდან 1231 წლამდე უნდა დაეპყროთ.

ამიერკავკასიიდან ხეარაზმელთა განდევნის შემდეგ იწყება მონღოლთა შემოსევები მახლობელ აღმოსავლეთსა და ამიერკავკასიაში, რომელმაც სულ ერთიანად შეეკალა ცალკეულ პოლიტიკურ ერთეულთა მდგომარეობა. მონღოლთა მოსალოდნელი თავდასხმებით შეშინებული ხეარაზმელთა სულთანი წინააღმდეგით მიმართავდა ალა აღ-დინ ქეიუობადს, მელიქ აშრაფსა და ხალიფას, შეკავშირებულებიყვნენ და მომზადებულებიყვნენ თავდასხმების მოსაგერობლად. ხეარაზმელთა სულთანი მათგან დახმარებას ითხოვდა, მაგრამ ბოლოს მონღოლთაგან დევნილი ხეარაზმელების ძალები განადგურებულ იქნა.

<sup>11</sup> Ibn Bibi, გვ. 161—162.

<sup>12</sup> Anadolu Selçuklular Devleti Tarihi, III, Ankara, 1952, გვ. 30.

<sup>13</sup> O. Turan, Keykubad I, İslam Ansiklopedisi, cilt 62, 1954, გვ. 650; მისივე, Selçuklular Zamanında Türkiye, İstanbul, 1971, გვ. 347—351.

„წელს ად-დინის დაღუპვის შემდეგ თათართა მთავარ მოწინააღმდეგედ საქართველო და რუმის რჩებოდნენ. ამ უკანასკნელს თათრები ჭერ კიდევ ხეარაზმელთა დევნის ეამს მოუახლოვდნენ, მაგრამ რუმზე ლაშქრობამდე ბრძოლის დიდი გზა უნდა გაეწეო მტერს“<sup>14</sup>. მონღოლები მცირე აზიის სელჩუკთა სახელმწიფოს თანდათანობით უახლოვდებოდნენ. თუ ხეარაზმელია განადგურებამდე ალა ად-დინ ქეიყობადი წარმატებით ამყარებდა კონტაქტს მეზობელ პოლიტიკურ ერთეულებთან და მათ შორის ერთ-ერთ უძლიერეს განმგებლად ითვლებოდა, მიერადან მცირე აზიის სელჩუკთა სახელმწიფოს ძუნობლები მონღოლებს დაეპყრო, მათ დაეკავებინათ ხლათი, დიარბექირი, შალაოთი, ჰარფუთი და მათფარიკინამდე თაყიანთი ქალაუფლება გაეცრკლებინათ. მონღოლები დიდი წარმატებით იპყრობდნენ მთელ რიგ ტერიტორიებს მახლობელ აღმოსავლეთსა და ამიერკავკასიაში.

მონღოლთა შემოსევები მცირე აზიაში გარდუვალი ხანდა ისინი უკვე სელჩუკებს უშუალოდ გამეზობლებოდნენ. ყოველდღიურად მოსალოდნელი იყო მონღოლთა თავდასხმები. იბნ ბიბის ცნობით, 629 წელს (1231 წ.) მონღოლთა ლაშქრის ერთი ნაწილი ნოინ ხორაზმანის შეთაურობით სივასის სანახებში ფუსერიის მშვიდობიან მოსახლეობას თავს დაესხა. ეს როგორც კი გაიგო ალა ად-დინ ქეიყობადმა, მაშინვე ბრძანა ქემალ ად-დინ ქამიარის შეთაურობით სელჩუკთა ლაშქარი სასწრაფოდ გამგზავრებულყო მონღოლთა წინააღმდეგ<sup>15</sup>.

ამირ ქემალ ად-დინ ქამიარი მთელი თავისი შეარაღებული ძალებით სივასისაკენ გაემართა. როგორც კი მივიდნენ სივასთან, გაირკვა, რომ მონღოლებს დაეტოვებინათ აქაურობა და უკან გაბრუნებულყვნენ. იბნ ბიბის ცნობით, ქემალ ად-დინ ქამიარი მონღოლებს დაუდევნა და არზრუმამდე სდია. აქ კი ჩაშნიგირ მუბარაიზ ად-დინის ძალებს შეუერთდა. ქემალ ად-დინ ქამიარის ძალებმა ვერაფერი დააყლეს მონღოლებს. მან აქ ცნობა მიიღო, რომ მონღოლები უკუკეულოყვნენ<sup>16</sup>. სელჩუკი სულთნის ასეთი სწრაფი რეაგირება მონღოლთა თავდასხმებზე და ლაშქრის გაგზავნა მათ წინააღმდეგ, აშკარად მეტყველებს, რა ცუდი წარმოდგენა ქქონიათ სელჩუკებს მონღოლთა სამხედრო ძლიერებაზე. სელჩუკები ძალიან მალე, 1243 წელს, ქოსე დადთან გამართულ ბრძოლაში დარწმუნდნენ, რა ძლიერ ძალას წარმოადგენდნენ მონღოლები.

არზრუმში მოსულმა ქემალ ად-დინ ქამიარმა კიდევ უფრო გააძლიერა თავისი სამხედრო ძალები, ჩაშნიგირ მუბარაიზ ად-დინის ძალებიც შეერთა, საფუძვლიანად მოემზადა და გადაწყვიტა საქართველოს წინააღმდეგ გაულაშქრა. ამასთან დავაუშირებით იბნ ბიბი გუანვდის მეტად საყურადღებო ცნობას. მისი ცნობით, როდესაც ქემალ ად-დინ ქამიარი არზრუმში მივიდა, იქ დიდხანს დარჩა, ჩაშნიგირ მუბარაიზ ად-დინ ჩაელისთან ერთად ურიცხვი ლაშქარი შეკრიბა და გადაწყვიტა მონღოლების სელჩუკთა ტერიტორიაზე

<sup>14</sup> ი. ს. ბ. ა. უ. ღ. ი. ძ. ე. ქართველ ხალხს ბრძოლა დამოუკიდებლობისათვის, XIII-XIV საუკუნეებში, თბ., 1967, გვ. 72.

<sup>15</sup> I b n B i b i, გვ. 165-166. I b n' B i b i (El-Hüseyn b. Muhammed b. Alî le-Caferi-Rugedi), El-Evamirü'l-Âlâ'iyve l'l-U'nuri'L-Âla 'iyye, Önsöz ve Fihristi Hazırlayan Adnan Sadık Erzi, I. Ankara, 1956, გვ. 420.

<sup>16</sup> I b n B i b i, გვ. 166. I b n-ı B i b i (El-Hüseyn...), გვ. 420; O. T u r a n, Selçuklular Zamanında Türkiye, გვ. 375; Türkiye Selçukluları Hakkında Resmi Vesikalar, Metin, Tercüme ve Araştırmalar O. T u r a n, Ankara, 1958, გვ. 78.

7. 2006 წ., აღტორის... სურათი, 1975, № 1

თავდასხმების წამქეზებლის — ქართველთა დედოფლის ქუეყანაში გაელ-ქრათი<sup>17</sup>.

აქამდე ჩვენთვის გაურკვეველი იყო XIII ს-ის 30-იან წლებში ქართველების მონღოლებთან დამოკიდებულების საკითხი. ქართულ დოკუმენტურ და ნარატულ წყაროებში არ მოგვეპოვება ცნობები, რომ რუსუდან დედოფალმა წააქება მონღოლთა ლაშქრის მეთაურები, გაელაშქრათ მცირე აზიის სელჩუკთა სახელმწიფოს წინააღმდეგ. ასევე არავითარი ცნობა არა გვაქვს მონღოლთა ლაშქრის სივასში შეჭრაზე, მაგრამ ამიერკავკასიასა და მცირე აზიაში შექმნილი ვითარებიდან გამომდინარე შეიძლება ვივარაუდოთ, რომ საქართველოს ხელისუფლებას შეიძლებოდა ჰქონოდა ისეთი კონტაქტები მონღოლთა ლაშქრის მეთაურებთან, რომ ისინი წაქეზებინა მეზობელ ქვეყნებზე სალაშქროდ.

ყამთააღმწერელი მეტად საინტერესო ცნობას იძლევა XIII ს-ის 30-იან წლებში ამიერკავკასიაში მონღოლთა მოძალებისა და მათ მიერ შექმნილი ვითარების შესახებ: „ხოლო მო-რა-იქცეს თათარი ხ-არაზმელთა დევნისაგან, (ე. ი. 1231 წ. — ნ. შ.) მიერ წარვიდეს და მოაოხრეს ქუეყანა: ხლათისა და ვალაშკერტისა, და ეერ წინააღუდგა სულტანი ხლათისა, არამედ გამაგრდა ქალაქსა შინა. ხოლო თათარი წარვიდეს ადარბადაგანს, და ზავნი იქნეს თავრეველთა შორის და თათართა, და აღიღეს თავრევი და მიმდგომი მისი ქუეყანა“<sup>18</sup>.

ხვარაზმელთა დევნისაგან უკუქცეულმა მონღოლებმა დაარბიეს და გაანადგურეს აღნიშნული ადგილები, ხოლო მომდევნო 1232 წელს, როგორც ამას იქვე აღნიშნავს ყამთააღმწერელი, მონღოლები მოადგნენ საქართველოს და იწყეს მისი რბევა. მონღოლები „მეორესა წელსა წარვიდეს ბარდაუს, განძას და მულანს, და მიერ იწყეს რბევა და ოხრებად საქართველოსა. იწყეს დარუბანდით აღმომართ, ქუეყანასა შარვაშისასა, და კაბალას, ქერეთს, კახეთს, სომხითს, და ქუეყანასა არშაკუნიანთასა დეინს და ანისს“<sup>19</sup>.

მეტად საინტერესო ცნობაა რადგანაც 1232 წლისათვის მონღოლები „მეზობლობით მოეასლებოდეს ქუეყანასა საქართველოსასა“ და საშინელი - განსაცდელი აღმოძვრადეს საქართველოსა საზღუართა, უკუიურებისათვის მკვდრთა ქართლისათა“<sup>20</sup>, ბუნებრივია, საქართველოს სამეფო ხელისუფლება, ყოველნაირად შეეცდებოდა მონღოლთა თავდასხმების თავიდან აცილებას და მეზობელ ქვეყნებისაკენ მათ განთესვას.

ქართველთა ხელისუფლებას მონღოლებთან ასეთი პოლიტიკით დროებით მაინც შეეძლო, მათი ყურადღება მცირე აზიისაკენ გადაეტანა საქართველოს ხელისუფლებისათვის სავსებით ნათელი უნდა ყოფილიყო სავრთაშორისო მოვლენები და მონღოლთა მოსალოდნელი ფართო მასშტაბის თავდასხმებიც საქართველოში ი. ცინცაძის თქმით: „რას აკეთებდა საქართველოს სა-

<sup>17</sup> ი. ხ. ი. ხ. ი. გვ. 166. ი. თუჩანი შენიშნავს, რომ არზახში შეკრებილი სელჩუკთა ძალების შესვენებში, ერთ მხრივ ქუეყნის მშვიდობიანი მდგომარეობის გასწავლების მიზნით და მეორე მხრივ ქართველთა დედოფლის წამქეზებლური საქციელის გამო, კადაწყვიტეს საქართველოს წინააღმდეგ გაელაშქრათ (O. Turan, Selçuklular Zamanında Türkiye, გვ. 375).

<sup>18</sup> ყამთააღმწერელი, ქართლის ცხოვრება, ტექსტი იდენტური ყველა ძირითად ხელნაწერის მხედრით ს. ყაუხჩიშვილის მიერ, ტ. II, თბ., 1959, გვ. 186.

<sup>19</sup> იქვე.

<sup>20</sup> იქვე.

ხელშეწევით 1230 წლიდან 1235 წლამდე მონღოლთა მოსალოდნელი შემოტევის საწინააღმდეგოდ, ჩვენ არაფერი ვიცით არ შეიძლება ადამიანმა დაიჭეროს, რომ ხუთი წლის განმავლობაში (1230—1235) საქართველოს მეზობელთა ტერიტორიებზე მოთარეშე მონღოლების საწინააღმდეგოდ საქართველო არ ემზადებოდა<sup>21</sup>.

უფრო მოგვიანებით, როდესაც მონღოლებმა საქართველო დალაშქრეს, რუსუდან დედოფალი დასავლეთ საქართველოში გადავიდა და იქიდან გამართა მოლაპარაკება მონღოლებთან, საქართველოში მონღოლთა შემოსევაამდე მათთან ასეთი ურთიერთობა რუსუდან დედოფლისათვის სავსებით კანონზომიერი უნდა ყოფილიყო. რუსუდანს მონღოლებთან ახლო ურთიერთობის საშუალება როგორც ვი მიეცემოდა, იგი უკან არ დაიხევდა და მონღოლებს სწორედ სელჩუკების წინააღმდეგ წააქეზებდა. ამით ერთგვარად დროებით მაინც თიკდენდა მონღოლთაგან მოსალოდნელ უბედურებას. რუსუდანის ურთიერთობა მონღოლებთან აშკარას ხდის, რომ საქართველოს დედოფალი გონიერი და გამჭრიახი დიპლომატია, რომელმაც მოახერხა საქართველოს ორი მოსიხარბი მტრის დაპირისპირება და ერთმანეთზე წასისიახება. იბნ ბიბის შემოტანილი ცნობაც რუსუდანის უტყუარ დიპლომატიურ ალლოსა და ნიჭზე მეტყველებს.

1232 წ. ამბების გადმოცემისას იბნ ბიბი დაწერილებით აღწერს სელჩუკთა უზარმაზარი ლაშქრის საქართველოსა და ამიერკავკასიის ქვეყნებისაკენ გამგზავრებას, მათ მიერ ჩატარებულ სამხედრო ღონისძიებებს, ურთიერთობას რუსუდან დედოფალთან და სხვა მეტად საყურადღებო საკითხებს, რომლებიც სხვა წყაროებში არ არის აღწერილი.

1232 წლისათვის ქემალ ად-დინ ქამიარის მეთაურობით სელჩუკთა მრავალრიცხოვანი არმიის საქართველოსა და ამიერკავკასიის ქვეყნებისაკენ ლაშქრობა უცნობია ქართულ ისტორიოგრაფიაში. მხოლოდ თანამედროვე თურქულ ისტორიოგრაფიაში ამ საკითხებს ოსმან თურანმა მიაქცია უურადღებამ<sup>22</sup>. მან იბნ-ბიბის ცნობითა და სხვა აღმოსავლური წყაროებისა და ლიტერატურის საფუძველზე შეისწავლა XIII ს-ის 30-იანი წლების მკირე აზიის სელჩუკთა სახელმწიფოს მდგომარეობა. მისი საგარეო ომები, ურთიერთობა მეზობელ ქვეყნებთან. ამ პერიოდის საერთო საგარეო ვითარების ფონზე სავსებით ბუნებრივად გამოიყურება იბნ-ბიბის მონაცემებიც ალა ად-დინ ქეიყობადის საქართველოსთან ურთიერთობის თაობაზე. ოსმან თურანი საგანგებოდ მოუთხოვს, რომ ქართულ წყაროებში არაფერია ნათქვამი ალა ად-დინ ქეიყობადის საქართველოში ლაშქრობის შესახებ<sup>23</sup>. ქართულ ისტორიოგრაფიაში დღემდე სრულიად უცნობი იყო საქართველოში 1232 წ. ალა ად-დინ ქეიყობადის ლაშქრობა. ასევე არაფერი ვიცოდით სელჩუკთა ლაშქრის მეთაურის ქემალ ად-დინ ქამიარის თაობაზე. ამის გამო მიზანშეწონილად მიგვაჩნია მოკლედ შევხვით ქემალ ად-დინ ქამიარის საქმიანობას სელჩუკთა სახელმწიფოში და მის

<sup>21</sup> ი. ც ი ნ ი ძ ე. მონღოლები და მონღოლთა დაპყრობები (XII—XIII სს.), თბ., 1960, გვ. 150.

<sup>22</sup> Türkiye Selçukluları Hakkında Resmî Vesikalar, გვ. 74—82, გვ. 12—27; O. T u r a n, Keykubad I, გვ. 635; მ ი ს ი ე ე. Selçuklular tarihi ve Türk-İslâm Medeniyeti, Ankara, 1965, გვ. 211; მ ი ს ი ე ე. Selçuklular Zamanında Türkiye, გვ. 374—379.

<sup>23</sup> Türkiye Selçukluları Hakkında Resmî Vesikalar, გვ. 78—79.

ლაშქრობას საქართველოსა და ამიერკავკასიაში მონაწილეობა შემოსევების დასაწყისში.

აღა ად-დინ ქეიყობადის სულთნობის პერიოდში თავისი ნიჭითა და სამხედრო და სახელმწიფოებრივი საქმიანობით სახელი გაითქვა ქემალ ად-დინ ქამიარმა. იგი განათლებული, სპარსული და არაბული ენების მცოდნე და სულთნის კარზე დიდი ავტორიტეტის მქონე პირი იყო. სამხედრო საქმიანობაში წარმატების გამო რუმისა და სომხეთის ქვეყნების დაპყრობელი გმირის წოდება ებოძა. ყველგან, სადაც კი მისი მეთაურობით ილაშქრა სელჩუკთა ლაშქარმა, გამარჯვებას მაღწია. ამიტომაც მას „ფექლეუანის“ ტიტული უბოძეს<sup>20</sup>. იგი ყველანაე დაახლოებული და გავლენიანი პირი ყოფილა სულთნის კარზე. ქემალ ად-დინ ქამიარს იმდენად დიდი დამსახურება და გავლენა ჰქონდა, რომ სულთანმა სიკოცხლის ბოლო წლებში იგი კაისერის სუბაშად დანიშნა. ქემალ ად-დინ ქამიარის კაისერის სუბაშად დანიშვნისა და კაისერის იტად ბოძების შესახებ არსებობს სულთნის სპეციალური ბრძანება, რომელიც 1234—35 წ. გამოიცა<sup>21</sup>. ამ თანამდებობაზე დანიშვნა უდიდესი პატივი იყო მისთვის. ამ ასეთი აღზევებული პიროვნებისა და სულთნის კარზე დიდად დამსახურებული სახელმწიფო მოღვაწის მეთაურობით ილაშქრა აღა ად-დინ ქეიყობადმა საქართველოში.

იბნ ბიბის მიხედვით, ქემალ ად-დინ ქამიარმა არზრუმში ჩაშნიგირ მუბარაზ ად-დინ ჩავლისთან ერთად გააძლიერა თავისი სამხედრო ძალები. იქვე შეუერთდა მას 5000-მდე ქვეითი ლაშქარი. ციხის კედლების დასანგრევი სპეციალური მოწყობილობებით, ლოდსატყორცებითა და სხვა საოქარი საშუალებებით აღჭურვილებმა, ცხენოსანი და ქვეითი ლაშქრით საქართველოსაკენ გამოილაშქრეს. ერთ კვირაში საქართველოს 30-მდე ცნობილი ციხესიმაგრე აიღეს. ქართველები მძიმე დღეში ჩააყენეს. იმავე წელს<sup>22</sup> სელჩუკები ხაბის (خاب) ციხისაკენ გაემართნენ. ქვის სატყორცნი იარაღებითა და ხმლით აქაურობაც ხელთ იგდეს. შემდეგ ნიხაბის (خبا) მოსახლეობაც ანალოგიურ მდგომარეობაში ჩააგდეს. დაპყრობილი ადგილები ერთიანად გაანადგურეს<sup>23</sup>.

ჩანს, სელჩუკებს იმ დროის კვალობაზე საკმაოდ მრავალრიცხოვანი ლაშქარი შეუკრებიან საქართველოს სამხრეთი პროვინციების ასახრებლად. გასათვალისწინებელია ის გარემოება, რომ, წყაროს ცნობით, ეს ლაშქარი თავიდანვე სქირდებოდათ სივასში შემოკრილი მონაწილეობის განსაღვენად. ბუნებრივია, საგანგებოდ მომზადებულ სელჩუკთა მრავალრიცხოვან არმიას, რომელსაც არზრუმში კიდევ 5000-იანი ლაშქარი შეუერთდა, არ გუქირდებოდა ასე მოულოდნელი თავდასხმის დროს საქართველოს სამხრეთით განაპირა ციხესიმაგრეების ხელში ჩაგდება. აშკარაა, რომ სელჩუკთა მრავალრიცხოვან არმიას მოკლე დროში ერთიანად დაულაშქრავს საქართველოს სამხრეთი ნაწილი. სამწუხაროდ, იტორი არ ასახელებს იმ ციხესიმაგრეებს,

<sup>20</sup> O. Turan, Selçuk Vakfiyeleri, III, Beleten, XLV, გვ. 240; Ibn Bibi, გვ. 187.

O. Turan, Keykubad I, გვ. 657.

<sup>21</sup> Türkiye Selçukluları Hakkında Resmî Vesikalar, გვ. 74—76.

<sup>22</sup> ვ. ი. 1232 წ., ჩადგან წყაროში ნქოთ სუბარი იყო 1232 წ. აბებზე.

<sup>23</sup> Ibn Bibi, გვ. 166—167, Ibn-i Bibi (El-Hüseyn b. Muhammed b. Ali le-Caferi Rugedi), El-Evamirü'l-Alaiyye..., გვ. 420—421. Histoire des Seldjoucides d'Asie Mineure d'après abrégé du Seldjouknameh d'Ibn-Bibi, texte persan publié ... par M. Th. Houlsma, გვ. 183—184; W. Duda, Die Seldschukengeschichte des Ibn Bibi, გვ. 176—177.

რომლებიც სელჩუკებმა ხელთ იგდეს. იგი მხოლოდ ხაზისა და ნიხახის ქანუკებს ასახელებს. ჩანს, რომ ნიხახის ციხე ბოლო პუნქტია იმ ციხეებს შორის, რომლებიც სელჩუკებმა დაიპყრეს. ცხადია, ქართველები სრულიად მოუმზადებელი იყვნენ ასეთი მოულოდნელი თავდასხმისათვის.

უკანასკნელ ხანებში ალა ად-დინ ქეიუობადის სულთნობის პერიოდში ქემალ ად-დინ ქამიარის მეთაურობით სელჩუკთა საქართველოში ლაშქრობის საერთო ყურადღება მიაქცია ჯ. მუსაევმა. იბნ ბიბის ცნობაზე დაყრდნობით მან აღნიშნა, რომ ალა ად-დინ ქეიუობადმა ქემალ ად-დინ ქამიარისა და მუბარაზ ად-დინ ჩაშნიგირის მეთაურობით 2000-იანი ლაშქარი გაგზავნა საქართველოში და ქართველთა 30-მდე გამაგრებული ციხე ჩაიგდო ხელში<sup>28</sup>. აქ ავტორი აშკარა შეცდომას უშვებს. წყაროს ყველა გამოცემაში გარკვევით წერია, რომ ქემალ ად-დინ ქამიარმა და მუბარაზ ად-დინ ჩაშნიგირმა სხვადასხვა ქვეყნის ქვეითი ლაშქრისაგან შემდგარ ძალებს კიდევ შეუერთეს 5000-იანი ლაშქარი. მოამარაგეს სააღყო იარაღებით, ციხის ასაღები და ქვის სატყორცნი საშუალებებით და ისე გაემართნენ საქართველოს ასაოხრებლად. ასე რომ, გაცილებით მრავალრიცხოვანი და კარგად შეიარაღებული იყო სელჩუკთა ლაშქარი საქართველოში გამომგზავრების წინ, ვიდრე ეს ჯ. მუსაევს წარმოუდგენია.

ჯ. მუსაევი იქვე მეორე უზუსტობასაც იჩენს, როდესაც იბნ-ბიბის თხზულებაზე დაყრდნობით აღნიშნავს ქართველებისა და მონღოლების მოკავშირეობის შესახებ<sup>29</sup>. იბნ-ბიბის თხზულებაში არაფერია ნათქვამი რუსუდანის მონღოლებთან მოკავშირეობაზე. საამისო ცნობები არსად არ გვხვდება. იბნ ბიბის თხზულებაში საუბარია მხოლოდ რუსუდანის მიერ მონღოლთა ძალების სელჩუკების წინააღმდეგ წაქეზების შესახებ.

რუსუდან დედოფალმა როგორც კი გაიგო სელჩუკთა ძალების საქართველოს სასაზღვრო რაიონებში შემოჭრისა და მათი საქმიანობის შესახებ, გარკვეული ღონისძიებები დასაბა. ქვეყნის წარჩინებულებს მოეთათბირა და უფრო გონიერულად მიიჩნია სელჩუკთა საბელშიფოს წარმომადგენლებისათვის ზავი შეეთავაზებინა და მშვიდობიანობის გზას დასდგომოდა<sup>30</sup>. ამ მიზნით მან უპირველეს ყოვლისა იმის ქემალ ად-დინ ქამიართან მოლაპარაკება გამართა. საგანგებო წერილითა და საჩუქრებით მას ქართველი წარჩინებულები გაუგზავნა და აუწყა, რომ მორჩილებას უცხადებდა სულთანს და დანაშაულის პატივს ითხოვდა. რუსუდანი სელჩუკ მხედართმთავარს აუწყებდა ნუ გააგრძელებდა ქვეყნის აოხრებას და სასჯელს ნუ დაამძიმებდა მას იმედი რჩება, რომ სელჩუკი წარჩინებულები თავისი ქვეყნის დაპყრობილ ნაწილს ისევ უკან დაუბრუნებენ და მის თხოვნას საშვიდობო ზავის შესახებ სულთნის უზენაეს კარს მოახსენებენ. თუ კი სულთანი ჩვენს თხოვნას კარგად შეხედავს და გამოიჩენს მოწყალებას, მაშინ უფრო გონიერული იქნება, ჩვენი ურთიერთობა განმტკიცდეს კეთილი სურვილებითა და ნათესაური კავშირით. ჩვენი სურვილია, წერდა დედოფალი სელჩუკ მხედართმთავარს, ჩემი ასული, სელჩუკიან-

<sup>28</sup> X. M y c a e v, დსახ. ნაშრომი, გვ. 19.

<sup>29</sup> იქვე.

<sup>30</sup> I b n B i b i, გვ. 167. El-Evamirü'l-Ala'iyye fi'l-Umuri'l... გვ. 422; H. W. D u d a, დსახ. ნაშრომი, გვ. 177; Histoire des Seldjuques de l'Asie Mineure... texte persan... გვ. 184. O. T u r a n, Selçuktular Zamanında Türkiye..., გვ. 376.

თა და დაეთის დინასტიის შთამომავალი, ჩვენი მეზობელი ქვეყნის მამულებლის შემყიდრეზე — მელოქ ყიას აღ-დინ ქეიხუსრეზე. დაქორწინდეს<sup>21</sup>.

იბნ ბიბი სხვაგან მოკლედ შენიშნავს, „ქემალ აღ-დინმა ლაშქარი ქართველთა მხარეს შეუსია, ქართველთა დედოფალმა რუსუდანმა მასთან მოცოქულები გაგზავნა და მოლაპარაკება გაუმართა დანათესაუებისა და ქორწინების თაობაზე, მალოქ ყიას აღ-დინის სიძეობა მოისურვა<sup>22</sup>. სელჩუკთა მრავალრიცხოვანი ლაშქრის მიერ სამხრეთ საქართველოს მოოხრებისა და ციხესიმაგრეების განადგურების შემდეგ, ჩანს, რუსუდან დედოფალს გონივრული დიპლომატიური ნაბიჯი გადაუდგამს. რუსუდანის მიერ საპასუხო ლაშქრობაზე უარის თქმა და საქმის შვიდობიანად ჰოგუარების გზის არჩევა გვაფიქრებინებს. რომ რუსუდანმა გაითვალისწინა ამიერკავკასიასა და მცირე აზიაში შექმნილი საერთაშორისო ვითარება. უპირველეს ყოვლისა სელჩუკი სულთნის ალა აღ-დინ ქეიყობადის დაპყრობითი ომების წარმატებანი და მისი სიძლიერე, ამასთანავე გაითვალისწინა ისიც, რომ ამიერკავკასიაში ხვარაზმელთა ძალების არც თუ ისე დიდი ხნის წინ განადგურებისა და დაფანტვის შემდეგ მონღოლები ამიერკავკასიაში უკვე საშიში ძალა იყო და ელოდნენ მათ შემოსევებსაც. სელჩუკებთან ქართველთა ძალების დაპირისპირების შემთხვევაში შეიძლებოდა მონღოლებიც გამოჩენილიყვნენ და მათ წინააღმდეგაც დასჯირვებოდა გამოსვლა.

საქართველოს სამხედრო ძალებს XIII ს-ის 30-იან წლებში არ შეეძლო დაპირისპირებოდა ამ ორ ძლიერ მოწინააღმდეგეს. მით უმეტეს, ხვარაზმელებთან ბრძოლაში არაერთგზის განადგურებული ქართველთა ლაშქარი რეალურად ელარ დაუპირისპირდებოდა სელჩუკთა ძალებს. რუსუდან დედოფალმა, ჩანს, ყველაფერი კარგად გაითვალისწინა, მოითათბირა თავის წარჩინებულებთან და მაშინვე შვიდობიანი მოლაპარაკება გამართა სელჩუკ მხედართმთავართან — ქემალ აღ-დინ ქამბართან.

ქემალ აღ-დინ ქამარმა უფრად იღო რუსუდანის თხოვნა, შეაჩერა ქვეყნის რბევა და საქართველოში სელჩუკთა ლაშქრის წარმატებისა და რუსუდან დედოფლის წინადადების შესახებ სულთან ალა აღ-დინ ქეიყობადს აუწყა იბნ ბიბი შენიშნავს, რომ ქემალ აღ-დინ ქამარმა კავკასიის განთქმული მტკიცე ციხეებიდან 30—40 ციხის დაპყრობის ამბავი აცნობა სასულთნოს და თან დედაქალაქში გაგზავნა მდიდარი ნადავლი<sup>23</sup>.

მონღოლებთან ბრძოლის შედეგების მომლოდინე სულთანი საქართველოში სელჩუკთა ლაშქრის წარმატების ამბავს აღფრთოვანებით შეხვდა. სელჩუკი სულთნის საგარეო პოლიტიკის დღის წესრიგში სრულებით არ შედიოდა საქართველოში საგანგებო ლაშქრობის მოწყობა. საქართველოში ლაშქრობის ინიციატორები ამ შემთხვევაში იყვნენ ქემალ აღ-დინ ქამარი და ჩაშნიგირი მუბარაზ აღ-დინ ჩაელი.

<sup>21</sup> Ibn Bibi, გვ. 167; El-Evamirü'l-As'iyye fil-Umuri' ... გვ. 422—423; H. W. Duda. დსახ. ნაშრომი, გვ. 177; Histoire des Seldjoucides d'Asie Mineure.... texte persan.... გვ. 184.

<sup>22</sup> Histoire des Seldjoucides d'Asie Mineure.... texte persan.... გვ. 220; H. W. Duda. დსახ. ნაშრომი, გვ. 210.

<sup>23</sup> Ibn Bibi, გვ. 167; El-Evamirü'l-As'iyye fil-Umuri'l... გვ. 423; Histoire des Seldjoucides d'Asie Mineure.... texte persan.... გვ. 185; H. W. Duda. დსახ. ნაშრომი, გვ. 177.

სამხრეთ საქართველოში ქემალ ად-დინ ქამიარის სამხედრო წარმატებმა და სასულთნო კარზე დიდი ზეიმით აღინიშნა.

ქემალ ად-დინ ქამიარისადმი მიწერილ წერილში ალა ად-დინ ქეიუობადი მას მადლობას უთვლიდა საქართველოში მიღწეული წარმატებისათვის და ამავე დროს თირმანს უგზავნიდა ლაშქრის უკან დაბრუნების თაობაზე. სულთანი ქემალ ად-დინს წერდა, რომ იგი თანახმაა რუსუდან დედოფლის მიერ შემოთავაზებულ ვინადადების მშვიდობიანი ურთიერთობისა და დანაოესავეების შესახებ და აუწყებდა, რომ აღარ გაეგრძელებინა თავდასხმები საქართველოს ტერიტორიაზე<sup>14</sup>.

ქემალ ად-დინ ქამიარმა სამხედრო მეთაურები დაიბარა, გააცნო მათ სულთნის თირმანი და უბრძანა სამხრეთ საქართველოდან ლაშქრის გაყვანა. სულჩუთა ლაშქარი აიყარა საქართველოს სამხრეთი პროვინციებიდან. ქემალ ად-დინი სასულთნოს დედაქალაქისაკენ გაემართა სადაც მას საქართველოში მიღწეული წარმატებისათვის დიდი პატივითა და ზეიმით შეეგებნენ<sup>15</sup>.

ალა ად-დინ ქეიუობადი, რომელიც განუწყვეტელი დაპყრობითი ომების შედეგად სისტემატურად აფართოებდა მცირე აზიის სულჩუთა სახელმწიფოს საზღვრებს და ხშირად ილაშქრებდა ამიერკავკასიის, კერძოდ, სომხეთის წინააღმდეგ ბუნებრივად, ყოველნაირად შეეცდებოდა საქართველოში შემოქრასა და გაბატონებას. თავისთავად, ქემალ ად-დინის ურიცხვი ლაშქრით სამხრეთ საქართველოზე მოულოდნელი თავდასხმისა და წარმატების შედეგად სულთნის კარზე მოწყობილი საზეიმო ცერემონიალი, ქემალ ად-დინისად-

<sup>14</sup> Ibn Bibi, გვ. 163; El-Evamir'ül-Âlâ'iyye li'l-Umuri... გვ. 432—424; Histoire des Seldjoucides d'Asie Mineure... texte persan... გვ. 185; H. W. Duda, დსახ. ნაშრომი, გვ. 177. Türkiye Selçukluları Hakkında Resmî Vesikaları... გვ. 79. სულჩუთა სულთნთან სამშვიდობო მოლაპარაკებად რამდენიმე წლის შემდეგ (ე. ი. ალა ად-დინ ქეიუობადის გარდაცვალების შემდეგ) უნდა მომხდარიყო სულჩუთა დინასტიასთან რუსუდან დედოფლის დამოკიდება ე. ი. დაბლობით 1237 წლისათვის. დამოკიდებებსა და სხვა საკითხებზე შეთანხმება ე. ი. ჩახს. 1237 წ. ზოგადი, იბნ ბიბი სხვაგან ურცლად მოგვიხატავს რუსუდანის ქალიშვილის—თამარის ქორწინებაზე; ალა ად-დინ ქეიუობადის შვილები — ეიას ად-დინ ქეიუხსრეევი, აღწერს საქართველოში ცერემონიას, დიდ ზეიმს, რომელიც გამართა ქაიხერეში (Ibn Bibi, გვ. 199—200; Histoire des Seldjoucides d'Asie Mineure... texte persan... გვ. 220; H. W. Duda, დსახ. ნაშრომი, გვ. 210); ხარ ქებრანი რუსუდანის ქალიშვილის—თამარის ვაჟობაზე თარიღად ასახელებს 1237 წელს, რაც სწორად უნდა მივიჩნიოთ. Abu'l-Farac Tarihi, cilt II, Ankara, 1950, გვ. 537). ი. ყაიხერევილი აბულ-ფარაჟის ცნობას თამარ რუსუდანის ასულის ვაჟობაზე თარიღის შესახებ სწორად მიიხსენივს (ი. ყაიხერევილი, ქართველი ერის ისტორია, წ. III, 1966, გვ. 106.). ი. თურანავი პირდაპირ მიუთითებდა, რომ ეიას ად-დინ ქეიუხსრეევი როგორც ე. ი. დამოკიდებულება, ქეიუობადთან რუსუდანის შეთანხმების საფუძველზე იქორწინა რუსუდანის ქალიშვილზე (O. Turan, Key-husrev II, İslâm Ansiklopedisi, cüz 62, 1954, გვ. 628; Türkiye Selçukluları Hakkında Resmî Vesikaları... გვ. 79). რუსუდანის ქალიშვილი თამარი, რომელიც მცირე აზიის სულჩუთა სახელმწიფოში გუჩუო ხათუნის სახელით ვახდა ცხოვრობდა, მთელი მახლობელი აღმოსავლეთში აღიარებულ იქნა წმიდანად. მან უდიდესი როლი ითამაშა მუხრანეულთა ორდენის საქართველოში, გუჩუო ხათუნისა და მუხრანეულთა ორდენის ფუძემდებლის ქემალ ად-დინ რუმის ურთიერთობის შესახებ დამწიგნობით იბ. ა. გ. წ. ე. რ. ე. ი. დედოფალი თამარი („გუჩუო ხათუნი“) და პოეტი ქემალ ად-დინ რუმი, ლიტერატურული გახუთი, 1960, № 41—42; ე. ყაიხერევილი, გუჩუო ხათუნის (დედოფალი თამარის) და ქემალ ად-დინ რუმის ურთიერთობის ისტორიიდან, „სისიქი“, № 1, 1970, გვ. 107—117.

<sup>15</sup> Ibn Bibi, გვ. 168; El-Eva'mir'ül-Âlâ'iyye li'l-Umuri... გვ. 424; Histoire des Seldjoucides d'Asie Mineure... texte persan... გვ. 185; H. W. Duda, დსახ. ნაშრომი, გვ. 178.

მი სულთნის უხვი მოწყალეობა აშკარად მოწმობს სულთნის კარის დაუოკებელ სწრაფვას როგორც საქართველოსა და ამიერკავკასიის ქვეყნების, ისე ახალ-ახალი ტერიტორიების დასამორჩილებლად.

სასულთნო კარის ცდას, დაემორჩილებინა საქართველო, წინ აღუდგა რუსუდან დედოფლისდროინდელი საქართველოს სამეფო ხელისუფლება. საუსებით სამართლიანად შენიშნავდა ე. გორდლევსკი, რომ ალა ად-დინ ქეიყობადის ამიერკავკასიაში, კერძოდ, საქართველოში, გაბატონების ცდა მარცხით დამთავრდა<sup>26</sup>. რუსუდან დედოფალმა მცირე აზიის სელჩუკთა დანასტიკასთან დამოყვრებით შეძლო ქვეყნად მშვიდობიანი ერთიერთობის დამყარება. მცირე აზიის სელჩუკებისა და საქართველოს მეგობრული ერთიერთობა დიდხანს არ გაგრძელებულა. მონღოლთა შემოსევებმა საქართველოსა და მცირე აზიის სელჩუკთა სახელმწიფოში ერთიანად დასცა პოლიტიკური და ეკონომიური ძლიერება.

ო. თურანი მიუთითებს, სელჩუკების მიერ საქართველოში მოწყობილი ლაშქრობის დროს ქართველთა დედოფლის დამორჩილებით ალა ად-დინ ქეიყობადმა თავისი ბიძის — სულეიმანშაჰის მაგიერად ქართველებზე შური იძიო<sup>27</sup>.

ქერ ერთი, ქართველთა დედოფალი არ დაემორჩილებია ალა ად-დინ ქეიყობადს. მიუხედავად სელჩუკთა მიერ სამხრეთ საქართველოს ზოგიერთი ციხესიმაგრის დაკავებისა, ქართველთა დედოფალი თანასწორუფლებიანობის საფუძველზე სამშვიდობო მოლაპარაკებას აწარმოებდა სელჩუკ სულთანთან. ეს მოლაპარაკება მათი დამოყვრებით დამთავრდა. აქ რაიმე დამორჩილებასა და უთანასწორო დამოკიდებულებაზე არ შეიძლება ლაპარაკი. ამასთანავე, ამ შემთხვევაში ო. თურანს მხედველობაში აქვს თამარ მეფის მიერ ბასიანის ველზე რუქნ ად-დინ სულეიმანშაჰის დამარცხება. აშკარაა, რომ ო. თურანს ძალიან აწუხებს ბასიანის ველზე სელჩუკი სულთნის სამარცხვინო განადგურება. არც თუ ისე დიდი ხნის შემდეგ — 1232 წლისათვის, სელჩუკთა მრავალრიცხოვანი ლაშქრის მოულოდნელი თავდასხმა სამხრეთ საქართველოს განაპირა ტერიტორიებზე და იქ ციხეების დაპყრობა ქართველებისადმი სამაგიეროს გადახდად მიაჩნია

საქართველოს სამხრეთი ნაწილის დალაშქრისა და რუსუდანთან შეთანხმების შემდეგ სელჩუკთა ლაშქარი კვლავ დაიძრა ამიერკავკასიისაკენ, ამჯერად სომხეთისაკენ — ხლათისაკენ. ქელალ ად-დინ ხორეზშაჰის განადგურების შემდეგ მისი ძალების გარკვეული ნაწილი აღმოსავლეთ ანატოლიის რაიონებში დათარეშობდნენ და ხელს უშლიდნენ ადგილობრივი მოსახლეობის ნორმალურ ცხოვრებას. ირანელი ანონიმი ავტორი შენიშნავს, რომ ქელალ ად-დინ ხორეზშაჰის შეილებმა კვლავ დიდი ჭარი შეკრიბეს, სომეხთა მხარე, ხლათი და არზრუმში აიღეს, მოსახლეობა დახოცეს და მათი ქონება ხელთ იგდეს<sup>28</sup>.

ამ პერიოდში ხლათის გამგებელი დამასკოში იმყოფებოდა, ხოლო სომხეთის ტერიტორიაზე მონღოლები იყვნენ გაბატონებული ამიტომ სულთანმა გადაწყვიტა ხლათის ხელთ ჩაგდება, ხვარაზმელთა ძალების ალაგმვა და მონღოლების შეკავება ამ მიზნით სელჩუკთა სულთანმა იმავე 1232 წელს კვლავ

<sup>26</sup> В. А. Горгаевская, Государство Сельджукидов Малой Азии, гл. 58.

<sup>27</sup> О. Туран, Selçuklular Tarihi ve Türk-İslam Medeniyeti, гл. 211.

<sup>28</sup> Anadolu Selçukluları Devleti Tarihi, III, гл. 30.

შეაიარალა ქემალ ად-დინ ქამიარი და უბრძანა, „ხლათსა და ბიბლიონსა თბილისამდე სომხეთის მთელი ეილაიეთები კვლავ სელჩუკთა ოლქისათვის შემოეერთებინა“<sup>38</sup>.

ქემალ ად-დინ ქამიარმა სასწრაფოდ შეკრიბა თავისი ძალები და ხლათისკენ გაემართა სელჩუკებმა ქალაქი ადვილად დაიკავეს, სულთნის დროშა ქალაქში შეიტანეს და მის სახელზე ხუტბა წაიკითხეს. ანონიმი ავტორის ცნობით, სელჩუკებმა ამ ლაშქრობაში „პარფუთი, ფალუ და სხვა 16 ციხე აიღეს. მათი საზღვრების დაცვა სეიფ ად-დინ სუნყურ ლალას დაევალა“<sup>39</sup>.

ხლათის აღების შემდეგ სელჩუკთა ლაშქარი ეანის ტბის სანაპიროებისაკენ დაეშვა. იბნ-ბიბის განცხადებით, სელჩუკთა ლაშქარმა ყველგან მოახერხა გაბატონება და თავისი ძალუფლების ქვეშ მოაქცია სომხეთის მხარე<sup>40</sup>. დაპყრობილი ტერიტორიების ასათვისებლად სულთანმა თავისი დიდმოხელეები გაგზავნა, რომლებმაც აღწერეს ქვეყანა დაადგინეს შემოსავლის ოდენობა, ციხეები შეაყეთეს და ქვეყნის მართვა-გამგეობას შეუდგნენ<sup>41</sup>.

სელჩუკმა სულთანმა დაპყრობილი ტერიტორიების „ასათვისებლად“ სეროიზული ღონისძიებები გაატარა. დაიწყო მის მიერ განადგურებული მხარის კვლავ მოშენება და რეგულარული შემოსავლის წყაროდ გადაქცევა. სულთნის ასეთი ღონისძიებების შედეგად ამიერკავკასიისა და ირანის ცალკეულ ტერიტორიებზე დარჩენილი მოხეტიალე თურქთა ერთი ნაწილი თავიანთი ბევებით ამ ადგილებში დასახლდა.

ალა ად-დინ ქეიუობადის მიერ ამიერკავკასიისა და ანატოლიაში ჩატარებული ღონისძიებების შედეგები, განსაკუთრებით მის მიერ ხლათის აღება, სელჩუკების წინააღმდეგ აიუბელთა გაერთიანებული ლაშქრობის მიზეზი გახდა. ხლათი იმთავითვე იზიდავდა აიუბელთა ეგვიპტის შესვეურებს. ხლათის ხელში ჩაგდებათ არანაკლებად იყვნენ დაინტერესებული აზერბაიჯანის ათაბეგები, მცირე აზიის სულთნები და საქართველოს სამეფო ხელისუფლებაც. ხლათისადმი ასეთი გაზრდილი ინტერესი გამოწვეული იყო მისი მდებარეობით სავაჭრო გზაჯვარედინზე. ხლათზე გადიოდა მთავარი სავაჭრო-საქარაუნო მაგისტრალი. ხლათის დაუფლებით ფაქტიურად წყდებოდა სავაჭრო-საქარაუნო მაგისტრალზე გაბატონების საკითხიც. ამიტომაც იყო, რომ ხლათში სელჩუკთა გაბატონება ვერ აიტანეს აიუბელთა დინასტიის წარმომადგენლებმა და გაერთიანებული ლაშქრით ხლათს უკან დასაბრუნებლად გამოემართნენ.

იბნ-ბიბის ცნობით, 1233 წლისათვის ეგვიპტის გამგებელმა ალ-მალიქ ალ-ქამილმა აიუბელთა მთელ ძალებს მოუწოდა სელჩუკების წინააღმდეგ<sup>42</sup>. სელჩუკმა სულთანმა კი მათ ქემალ ად-დინ ქამიარის სამხედრო ძალები დაუპირისპირა. სელჩუკთა ლაშქარი აიუბელებს ოქია-დერბენდთან შეხვდა და სასტიკად დაამარცხა. აიუბელებმა ხლათი ვერ დაიბრუნეს. ეანის ტბის ჩრდილო-დასავლეთ სანაპიროზე მდებარე ეს მნიშვნელოვანი ქალაქი სელჩუკებს დარ-

<sup>38</sup> Ibn Bibi, გვ. 168; Le Sultan Seldjoukide Keykobod I et l'Arménie, Documents Persans, Traduits par H. Masse, Revue des Etudes Armeniennes, t. IX, Fasc. 1, Paris, 1929, გვ. 126.

<sup>39</sup> Anadolu Selçukluları Devleti Tarihi, III, გვ. 30.

<sup>40</sup> Ibn Bibi, გვ. 169; O. Tuna, Selçuklular Zamanında Türkiye, გვ. 377.

<sup>41</sup> Ibn Bibi, გვ. 169—170.

<sup>42</sup> იქვე, გვ. 173—174; Anadolu Selçukluları Devleti Tarihi, III, გვ. 30.

ჩათ და ისინი უკვე ვანის ტბის სანაპიროებზედაც ავრცელებდნენ თავიანთ ბელისუფლებას.

აიუბელთა დამარცხების შემდეგ სელჩუთა სულთანი ისევ განაგრძობდა მათ წინააღმდეგ ბრძოლას. იბნ-ბიბი დაწერილებით აღწერს სელჩუკი სულთნისა და ეგვიპტის გამგებლის ურთიერთობის ცალკეულ მომენტებს<sup>44</sup>.

1235 წლისათვის ალა აღ-დინ ქეიუბადმა ზამთარი ანტალიასა და ალაიეში გაატარა და აიუბელების აღმოსავლეთ ანატოლიიდან მთლიანად განსადევნად ლაშქარი კაისეროეში შეკრიბა. იბნ ბიბის ცნობით, სულთან ქეიუბადმა ამირ ქემალ აღ-დინ ქაშიარსა და სახელმწიფოს სხვა წარჩინებულებს უბრძანა ქარანის, რუქას (ურფას), რაქასა და მისი სანახების დაპყრობა, საამისოდ 50000 ჯარისკაცი შეკრიბა<sup>45</sup>. ბარ ქებრაის ცნობით კი, 1234 წელს სულთანმა ფრანკთა, ბერძენთა, სომეხთა, იბეროელთა და ხვარაზმელთაგან შემდგარი 100000-იანი ლაშქარი შეკრიბა და პალესტინაში გააგზავნა, ეგვიპტელთა წინააღმდეგ სურდა გაელაშქრა<sup>46</sup>.

როგორც ამ უკანასკნელი ცნობიდან ჩანს, სელჩუთა უზარმაზარი ლაშქარი ეროვნული შემადგენლობის თვალსაზრისით საკმაოდ კრელი ყოფილა. საინტერესოა ცნობა ამ ლაშქრობაში ქართულთა მონაწილეობის შესახებ. ჩანს, ალა აღ-დინ ქეიუბადის ლაშქრობებში როგორც ქართველები, ისე სხვა ეროვნების წარმომადგენლები სისტემატურად იღებდნენ მონაწილეობას. ქართველები მომდევნო წლებშიაც სელჩუთა ლაშქრობებში მონაწილეობის წინააღმდეგ აქტიურად მოქმედებდნენ.

ამ ლაშქრობაში ქართველთა მონაწილეობა შეიძლება განვირობებულ ყოფილიყო რუსუდან დედოფლის მიერ სელჩუკი სულთნის წინაშე გარკვეული ვალდებულებებით. შესაძლებელია ომის შემთხვევაში ქართველებს სელჩუთა მხარეზე ჯარის გამოყვანა ევალებოდათ. ალბათ, რუსუდან დედოფლის მიერ შეთავაზებული ზავის პირობების ერთ-ერთი მუხლი ითვალისწინებდა სელჩუთა მხარეზე ლაშქრის გამოყვანას. ადვილი შესაძლებელია, სწორედ ასე დავალებებზელი ქართველთა მხედრობა იღებდა მონაწილეობას სელჩუთა სისტემატურ ლაშქრობებში. ზემოთ აღნიშნულ ლაშქრობაში ქართველებს აქტიური მონაწილეობა მიუღიათ. ამაზე პირდაპირ მოუთითებს იბნ-ბიბი. მისი გადმოცემით, როდესაც სელჩუთა ლაშქარმა ქარანი აიღო, ქართველთა და ფრანკთა ლაშქარმა ადგილობრივი მუსლიმანური მოსახლეობა დახოცა, ურიცხვი სიძლიდრე იგდო ხელთ<sup>47</sup>.

სულთან ალა აღ-დინ ქეიუბადი გარდაცვალებამდე ცოტა ხნით ადრე დიარბექირში მოემზადა სალაშქროდ. შეკრიბა უზარმაზარი ლაშქარი და გადაწყვიტა ერთხელ და სამუდამოდ ბოლო მოეღო აღმოსავლეთ ანატოლიაში აიუბელთა ბატონობისათვის. ამასთან დაკავშირებით ბარ ქებრაი შენიშნავს რომ 1237 წ. სულთან ალა აღ-დინმა სხვადასხვა ხალხთაგან: მაადიელების, ხვარაზმელების, ჰუნების, რუსების, ფრანკების, სომეხებისა და იბეროელებისა-

<sup>44</sup> Ibn Bibi, გვ. 175—180; O. Turan, Keykubad I, გვ. 656—657; მ = ს ი ე ე, Selçuklular Zamanında Türkiye, გვ. 379—383.

<sup>45</sup> Ibn, Bibi, გვ. 180.

<sup>46</sup> Abu'l-Farac Tarihi, II, გვ. 533.

<sup>47</sup> Ibn Bibi, გვ. 180—181; O. Turan, Selçuklular Zamanında Türkiye..., გვ. 380.

გან ქარი შეკრება და დიარბეჭირის წინააღმდეგ სალაშქროდ მოეშადა...<sup>48</sup>, მაგრამ სიკვდილმა მოუსწრო და ვერ მოახერხა ჩანაფიქრის განხორციელება.

მაშასადამე, აშჯარაა, რომ სელჩუქთა ბრავალრიცხოვან და ეთნიკურად საკმაოდ კრელ ლაშქარში ქართველებიც იღებდნენ მონაწილეობას. სავსებით ბუნებრივი მოჩანს ბარ ჰებრაის შემომოყვანილი ცნობა. მცირე აზიის სელჩუქთა სახელმწიფოში ქართველები უკვე მნიშვნელოვან როლს ასრულებდნენ, მით უმეტეს, რომ ამ პერიოდისათვის ნათესაური კავშირი და მჭიდრო პოლიტიკური ურთიერთობა ამ ორ სახელმწიფოს შორის აშჯარა იყო.

მცირე აზიაში მონღოლთა შემოსევების წინ ალა ად-დინ ქეიუბადის გარდაცვალება მძიმე დანაჯლისი იყო მცირე აზიის სელჩუქთა სახელმწიფოსათვის.

ამრიგად, იბნ-ბიბის თხზულებაში დაკული ცნობები 1232 წლისათვის ალა ად-დინ ქეიუბადის საქართველოში ლაშქრობის შესახებ სრულიად ახალია და ყურადღებას იმსახურებს. აღმოსავლურ და სხვა ენებზე არსებულ წყაროებში მსგავსი ცნობები არ მოგვეპოვება. არც ქართულ დოკუმენტურ და ნარატიულ წყაროებშია რაიმე მასალა აღნიშნული საკითხის გარშემო. იბნ-ბიბის ცნობები სრულიად ახალ შუქს ჰფენს ამ ხანის მცირე აზიის სელჩუქებისა და საქართველოს ურთიერთობის ისტორიის ცალკეულ საკითხებს. ქართულ ისტორიოგრაფიაში სრულიად უცნობია ალა ად-დინ ქეიუბადის საქართველოში ლაშქრობისა და ქართველთა დედოფალ რუსუდანთან ურთიერთობის საკითხები. მხოლოდ თანამედროვე თურქულ ისტორიოგრაფიაში ოსმან თურანმა მიაქცია ყურადღება ურთიერთობის ისტორიის საკითხებს იბნ-ბიბის ცნობების საფუძველზე და სავსებით მართებულად აღნიშნა ამ ორი ქვეყნის ურთიერთობის რეალურობა. მართლაც, თუ გავითვალისწინებთ XIII ს-ის 30-იანი წლების როგორც საქართველოს საგარეო პირობებსა და საერთოდ ამიერკავკასიაში შექმნილ პოლიტიკურ ვითარებას, ისე მცირე აზიის სელჩუქთა სახელმწიფოს მდგომარეობას, ცხადი გახდება იბნ ბიბის ცნობების სისწორე. იბნ ბიბის მონაცემები ავსებენ და აკონკრეტებენ ქართული წყაროების ცნობებს სელჩუქებისა და საქართველოს ურთიერთობის ისტორიის საკითხებზე აღნიშნულ პერიოდში.

• Abul-Farac Tarikh, II, 536.

წარმოადგინა საქართველოს სსრ მეცნიერებათა აკადემიის ი. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის ძველი და შუი საუკუნეების საქართველოს ისტორიის წყაროთმცოდნეობის განყოფილებამ